



初庵集

一

共七

2356
1



和
2356
1-7

初庵先生全集
辛巳繡梓

初庵先生全集總目



自序

年譜

遺墨

凡例

目錄

卷之一 詩

卷之二 詩

卷之三 書

卷之四 書

卷之五 書

卷之六 雜著

卷之七 序 記 跋 銘 贊 字辭 婚書

總目

祝文

卷之八 祭文

卷之九 祭文

卷之十 墓誌銘

卷之十一 墓誌銘

卷之十二 墓表 墓碣銘

卷之十三 行狀

卷之十四 遺事 言行錄 傳

附錄

行狀 墓誌銘

自序

余素不能文又懶不喜作然亦有不得已者焉家
 先族親誌幽記實不得已而有表碣誌狀亦有為親
 故所強而作者焉哀奠誄不得已而有祭文挽歌
 亦有為人而代之者焉述事賦物陳戒寓志不得已
 而有序記銘贊焉師友往復講評記疑不得已而有
 雜著書牘焉感物寄興行遊贈酬不得已而有詩諸
 體焉總之為若干篇每出一篇兒曹門生輩輒為之
 傳寫然皆在於尺紙片札之中雜亂紛糾殆不可以
 爬櫛一日請有以會釋而繕寫之余不能拒遂為之

小引如此而書名冠以男山者以余生長皆在於是
取樂樂生禮反本之義而又言舊稿者以俟夫未死
之前或有所繼作云爾

崇禎紀元之二百一年戊子四月丙子書于堯泉書
堂

年譜

堯泉金先生諱憲基字穉度自號初庵熊川人

英祖大王五十年甲午冬十二月十九日戊戌時先

生生于開城府子男山第時先生父佐郎公在太

學夢黑龍降于金淑人室

正祖宣皇帝二年戊戌先生五歲已屹如成人大父

生員公試授之書一遍輒誦

五年辛丑先生八歲受小學于生員公至樂正子春

下堂傷足之語嗚咽不能成聲生員公問曰汝有

何見對曰人子當如是生員公異之見人有失儀

者必舉九容以責之諸姊妹或聚同堂笑語輒相
戒曰止止御史君且至蓋憚其嚴而目之也○先
生幼時有膂氣能飛石數百步里兒皆畏伏一日
家園梨樹上有兒偷摘先生往驅之大母金孺人
慮其驅之急而墜傷也則竊視之及抵樹下但徐
諭曰下旣下痛責遣之

八年甲辰先生十一歲始就塾師日誦經史數千言
間習程文屬對警絕

九年乙巳先生十二歲夏五月喪生員公公諱弘海
號足窩卓邁嚴峻性少許可於先生知愛特深動

稱大器與之言必曰雖舉天下事於汝無可疑者
十年丙午先生十三歲春三月聘夫人朴氏朴氏淳
昌人進士彭耆之女也

十二年戊申先生十五歲夏讀書于府北龍興洞每
上書于佐郎公必再拜送之其承書也亦如之
十六年壬子先生十九歲時先生旣博覽百家爲文
章駸駸有作者風元朝忽大感悟曰道不止是矣
手錄進學要領若干條命之曰自靖錄以自矢其
序以爲蓋當天地一番更始之初吾身所得乎天
地者亦有以與天地俱新因是而得其本然之萬

一以報答我天地父母之所賦與者亦自靖以獻之義云錄今不傳

十八年甲寅先生二十一歲患便血甚苦因成痞證遂爲終身沉痾然先生能自治有方故亦不至大患冬十月子中錫生

二十一年丁巳先生二十四歲先是先生雖志于古學而以親故猶赴舉矣至是告于佐郎公請廢科舉公亦慨然許之於是益自磨勵大書於壁曰下孔子一等便不是人又書古往今來上下四方八字以自觀焉方其刻苦也嘗徹夜危坐夢朱子臨

戒曰子存心何至如此刻苦只要把定而已

二十二年戊午先生二十五歲春與故人金牧庵敬初韓是憂景和就內兄金止庵可圓所居貞洞草堂設講社名曰樂聚會月再會講間行飲射禮每講論先生必虛心遜志使諸人各盡其說然後徐爲分晰而折其衷

二十四年庚申先生二十七歲秋九月喪祖母金孺人孺人花開人學生麗兌之女也佐郎公以痺病不能執喪先生攝行三年克盡其禮初先生事孺人甚謹孺人常稱之曰此兒於我真未嫁之孝女

也

純祖肅皇帝二年壬戌先生二十九歲春二月子忠錫生三月喪母金淑人淑人清風人副護軍郁兌之女也先生臨喪三日不絕哭勺水不入口既葬素床瓦器疏食

三年癸亥先生三十歲夏四月喪佐郎公始公之病痺也訥不成語手不能匙體膚豐碩轉動須人而且無他御者先生以身爲其喉舌手脚每進食左抱而右匙之遇風日暄妍或負或扶以暢適之一日之膳再三易味不給則賣田地器皿以繼之如

是九年之中疾病喪威前後疊仍凡諸憂苦叢于一身而扶護之誠未嘗少懈至是公竟以是疾終先生頓仆幾絕廬居三年不脫經帶朝哭必見星朔望必拜墓讀書復以小學爲始以致孤露警惕之思柴削骨立如朝暮人親舊至有留宿而寬譬者公諱就行號雲圃長厚有古人風中明經第官至禮曹佐郎○先生平居日必晨興拜廟朔望率家衆行焚香禮禮畢往拜宗祠值忌祭率七日齋戒將事哀如新喪門人至有感泣者既祭必省于墓以盡其餘思

五年乙丑先生三十三歲答金止庵書論人物之性
大旨以爲性無多寡偏全先是李陶庵韓南塘二
公論人物性同異韓主異李主同謂之湖洛講說
先生所言蓋從洛也是秋制闈携書入五冠山中
著有論語說

七年丁卯先生三十四歲秋八月與金牧菴諸友遊
楓岳至高城海上而還先生雅好山水遊必陟高
而止性又能飲至十數盃不亂旣酣風流坦蕩詩
詞奔湧○冬十月執贄于趙蘿山先生有善趙先
生金文敬公元行之高弟也先生從講者有年至

是始與金牧菴金止菴諸人往師之執禮甚恭至
如廁之頃亦必侍而拱立趙先生每臨講有疑必
待先生以決稱許不已

八年戊辰先生三十五歲秋八月訪李南平二子樂
淵翼淵於京城講先誼是行也至道峰書院一宿
有詩志感

九年己巳先生三十六歲夏五月趙先生沒前一日
爲書付先生曰善爲我付授諸人蓋傳嫡之意也
是冬朴夫人生子曾喆以產病卒初朴之歸也持
資頗豐及舅病九年盡賣以用而畧無難色先生

甚宜之後四年會詰天

十年庚午先生三十七歲秋講學于堯泉堯泉在府東五里有園圃林塘之勝先生愛其靜而移居之既而負笈者至先生遂以成就後進爲己任日授經史數萬言雖在病中有討問者欣然便起如是者二十五年故學者稱堯泉先生○堯泉有路翁久仲者賢而鰥寡先生隣居二十餘年每夕粥熟遺以一盂未嘗一日或闕○冬十二月再聘夫人李氏李氏全州人學生元務女

十二年壬申先生三十九歲有友人馬戊伯者窮居篤學是歲全家癘死而戊伯亦且死先生卽其臥內執手與訣既死爲之手殮募力朋友以葬之蓋先生之於朋友推忠盡義皆此類也

十四年甲戌先生四十一歲 月子時錫生

十七年丁丑先生四十四歲喪季父季父諱就德先生事之甚謹既孤露日必再省力止之然後乃二省

十八年戊寅先生四十五歲時有所親當言路者請代作疏先生乃爲之屬草論列時政之失殆四千言其人憚其峻直不果上

十九年己卯先生四十六歲秋九月子羲錫生

二十年庚辰先生四十七歲夏四月與諸友東遊登北漢山白雲臺下汎漢江至南漢山城慷慨懷古有載酒直招三烈士狂歌亂舞殺戎林之句○先生居恒慕鄭圃隱之大節或月夜携門生至善竹橋酒數行撫碑彷徨泣下如雨

二十一年辛巳先生四十八歲答許允衡問目其第四條有駁王守仁致良知說凡四千言

二十八年戊子先生五十五歲夏四月門人收葺文藁爲若干卷先生命爲男山舊稿親序之畧曰書

名冠以男山者以余生長皆在於是取樂樂生禮反本之義而又言舊稿者以俟夫未死之前或有所繼作云爾

三十年庚寅先生五十七歲夏五月

文祖翼皇帝以

純廟世子薨先生東望痛哭曰今主上久在違豫

世孫憲宗大王又甚幼冲天乎天乎胡至於此力疾詣

館門哭班

三十三年癸巳先生六十歲冬十月京畿御史李公是遠以全道學行一人薦先生于朝曰松都幼

學金憲基學貫墳典老而不倦居家盡事親之節
當路無識面之人如此之人不可空棄乞亟收用
事寢不報初李公大父椒園處士忠翊博學工文
嘗寓居開城先生時尙小少然椒園重其才學動
以大儒目之李公盖有聞於其家庭也

三十四年甲午先生六十一歲移居于府北倉洞在滿

臺東冬十一月

純祖崩先生望哭于家園三日客至泣而相吊

憲宗大王元年乙未先生六十二歲夏六月哭子忠
錫忠錫性純孝嘗侍先生見背肉減潛然出涕

四年戊戌先生六十五歲哭叔妹韓進士在濂妻先
生姊妹四人叔妹最溫慧通書能詩

五年己亥先生六十六歲開城留守李公奎鉉辟本
府分教官不就

六年庚子先生六十七歲著忠恕說先生于諸經尤
用力于論語嘗語門人曰吾於是書得一厚字是
聖人心法

八年壬寅先生六十九歲春正月十八日丁卯先生
卒于家先是先生患泄痢少差旣而因寒感復劇
望日命子弟負詣家廟焚香還于正寢正枕席整

冠襟以臥將絕門人請遺戒曰敬而已數引手若將正冠者恬然而逝門人加麻者五十餘人初葬高山先塋秋九月移葬于金沙洞先生體不甚願而顏貌魁嚴聲如洪鍾讀書聲聞數里○先生卒之日其友白翁崇儉夢先生携至海上指海謂曰此吾宅也與君俱遊可乎翁既覺心恠之已而得訃後聞先生生日龍夢之事益歎其異驗云
哲宗大王元年庚戌府儒就男山舊第址建祠祠以冬十月成儕享之後壬戌諸道鄉賢祠之撤也與之俱撤

十年己未 贈承政院左承旨始庚戌之建祠也府儒請 褒先生學行于留守留守重其格例第以孝子上聞至是誥下

皇上十八年辛巳初先生沒後婿白膺鎮門人金悌五白一顯等復輯遺稿爲男山續稿既又合舊續二稿爲初菴集藏之是春金澤榮朴載鉉崔中建等就校爲十四卷募力一府印八十五本行之是役

也韓時赫朴天鳳先生族孫澧樂及張時淳亦與焉

二十年癸未春京畿御史李承旨建昌按行至開城府儒狀列先生學行請改褒夏五月李公復 命

啓言臣祖故判書臣癸巳繡行時道內學行人以
松都幼學金憲基單舉登聞其後憲基辟分教官
不就沒後以孝 贈左承旨蓋其早年廢科窮居
講道性理之微奧得於言外文章之醇雅發爲餘
事真豪傑之士君子之儒也而孝行一節猶未足
以盡其賢也憲基少日師事 贈吏判趙有善有
善每以畏友稱之究其造詣之成就實爲藍水之
青水近於有善 馳贈之後一鄉人士以憲基學
行當改 褒同聲齋鶴事係干 恩不敢擅請乞
令守臣採探金憲基學行一欵登聞後仍令該曹

稟處事下政府問于守臣留守閔公台鎬循鄉議
具報吏曹而寢不行焉李公是遠之孫也

光武五年夏四月改褒 贈內部協辦上年冬十二
月議政尹公容善以

太祖高皇帝 御真權奉事至開城府儒又狀請改
褒尹公復 命日建請褒故右相申公應朝叅判
李公恒老叅判奇公正鎮大司憲任公憲晦 贈
吏判李公象靖而尾及先生歷舉御史守臣前後
奏報之可爲徵信者請特改 贈二品相當之職
以惇儒化以疏輿鬱

春色隔葉黃鸝
空好音三顧頻
繁天下計兩朝

開濟老臣心出
師未捷身先死
長使英雄淚滿

襟

朝

日

清明

我亦良友寔

觀斯人懷心
孔洽標字惟
鄰

凡例

一是集本爲男山舊續二稿自序所謂余生長皆在男山取樂樂生禮反本之義者是也今混合二稿從類排續一視舊例釐爲十三卷仍以先生號奉名爲初菴集而就集中各以小書標男山舊續稿字先生反本之義後人尊奉之體庶幾其兩得而無相害矣

一程書劄疑復性警漢師遊記等篇今姑逸之以俟後日補遺蓋憚工役之浩大也

初庵先生全集目錄

卷之一 詩

赴貞洞講會

望崧山

遊天磨五首

登遮日巖

北聖庵

小西門

文殊諸峯

望海

山齋偶成

田家雜詠

龍洞山房月夜

喜晴

夜坐

貞洞四景步贈內兄金可圓天復

追慕足窩公

謾題

春望

曉月

秋日郊行

幽居

曉覺

偶筆

家君甲宴獻壽詩

又律詩

又絕句二首敬壽王母

又絕句二首敬壽大人

奉和家君韻

和馬戊伯吉祖慈夫人甲筵詩韻

山行遭暄

擬四時詞

龍洞山房與心遠子韓霽園在濂共賦

乘鶴齋承牧庵金敬初尚欽是憂韓景和履源

止菴金可圓諸公見訪同賦

與霽園戲拈杜律韻 題扶山崔氏莊

感懷六言

丁卯春讀書花谷書院祇謁廟中次板上諸公

韻

五月念五日奉安朱夫子畫像於寒泉書堂因

感賦此

遊金剛十二首

和馬令稚學游別章 出東郊作

途中作 偶占

滄浪亭 聖住菴

斷髮嶺 明鏡臺

萬瀑洞 衆香城

望海 偶成

次韓是憂基谷八景韵

遊漢師七首

過慕華館 道峯山

訪李南平二子樂淵翼淵有贈和之

元朝述懷 偶吟

清泉水上流 偶題

題水庫洞墳菴 叔父一齋公甲筵詩

題心遠子金剛行錄後

冬至吟 題武侯像

咏檜 雪月

謾吟 贈崔上舍稚達寅漸

君子第三樂 月夜游善竹橋

與豐德李秀才宗屋

卽事步儲光羲遊茆山二篇韻

讀書

田家

白鷺

遊歸法川

扶山謾興

示諸生

松聲

春雨

朝起入城於路望崧嶽有懷山中諸伴

登崧嶽

觀諸友肄鄉射禮

遠霧

聽水

入山

月夜南峯有霧

夏夜詠月

小槐

野鷄

雨意

古意

支巖觀漲

後澗雨後

喜雨

櫻桃

景香臺敬次王考足窩公韻

龜臺

追慕叔父遺跡

霧樹

雨不止

孫生尚志與諸友來訪

香臺小瀑

温大學

還山

夜雨

落落長松夏寒

卽事

天磨道中

朴淵

至日吟

月夜訪景和兄

圓通寺謾題

白君時中聖儉書室夏集以清琴橫牀濁酒半

壘分韻共賦得橫字

絕句

夜集崔君壽德莊

孤雲獨去閒

次許允衡銓壁上韻

至月六日夜子時冬至

卷之二 詩

復遊漢師二十首

花石亭敬和栗谷先生韻四首

北漢城西門外

入城作

白雲臺

木覓山

出南門

泛漢江

稅穀船

江亭

夜泛楊花渡

湖堂

南漢

歸路口占

游天磨滯雨大興寺

崔君壽德金生勉復適來與諸生共賦

至日吟

石玄龜

臘月小望夜與諸生近出仍賦雪月

步贈許生惺壁上韻

上元前四夜邀鄰曲共賦

至日吟

和崔吏元叔韻

次金君相璟壽親韻

過洋宮

孫家莊

奉和金丈行德遊金剛韻

和泰川守李是遠韻

立秋後與諸友共賦以朗吟飛過洞庭湖分韻得

朗字

小集歸法川

丙戌三月九日韓鼎元在洛金稚仰東豈來訪

仍同諸生以池塘生春草園柳變鳴禽分韻

得池字

男山舊園十一咏

西岡春朝

觴詠臺

靈源瀑

和贈李穉實甲筵韻

次權文翁克明回甲韻

次具而鉉弘鼎回甲韻

次白別提迺宜得孫韻

贈李鏡城文欽

倉洞新居次諸友韻

錢權文翁移僑南中

和權文翁

至日帖

仁

感懷

亡兒子婚感懷

氣質

和李校理正履韻

戊戌陽月八日亡兒渾春率入于宅中

贈別李應教正履以書狀赴燕

贈李正履書狀回行

徐生繼祖賦芭蕉二詩就和其一

冬至吟

次薛教官築回盃宴韻

謾吟

贈徐繼祖

至日吟

辛丑生朝

聯句

雪月

老驥

賞蓮

幽草

山房

負薪叟

快意

挽歌

蒼淵韓公敬素挽

泊然齋金公載晉內挽

任可遠相翼挽

韓霽園挽

再從叔父溫卿氏挽

再從大父進士公挽

上舍韓公敬琦挽

秦中翼慈夫人挽

蓄墅韓公敬儀挽 僉使金公相禹挽

上舍金公履福挽 崔公羽漸挽

梁生祜鎮挽 上舍金公履福改寔挽

教官金君彥教挽 金公達成挽

戚叔金公宗祿挽 禹生采五挽

馬令游內挽

卷之三 書

與金止菴辨圓說 與金止庵又辨圓說

與金止菴論西銘說 問金止庵

答馬戊伯 答金止庵

上蘿山趙先生喪禮問目 附答語

與隱谷許允衡問大學十三條

據前呈大學問目畧述鄙見復呈

與許允衡問論語學而八條

答許允衡大學問目

答金煥亨喪禮問目五條

答崔柱碩孟子問目十條

卷之四 書

與姊婿李景浩 答金悌五

慰岱淵李公勉伯別紙

與金穉仰

與韓景和

答金悌五

答張生之琬

慰沙谷李校理別紙

答崔柱碩

與崔進士漢綺

與韓鼎元書

與李鏡城

與梁和執謝饋祭器數事

答李錫永

答權文翁

與沙谷李承旨是遠

與沙谷李承旨

答沙谷李承旨

與趙石城鼎休

卷之五

書狀

與沙谷李承旨

與李鏡城

與沙谷李承旨

與金穉仰

答許允和穩

示義兒

答林判校學卿孝憲

代府人士擬呈留相請修內城書

為士林請 褒蘿山先生書

為士林請 褒四裁堂張公書

為士林呈繡衣請 褒梨湖金公書

為府人士請 褒烈女安氏書

辭免分教官狀

卷之六 雜著

家訓

代人擬疏

論語諸章說

祭祀鬼神說

理先氣後說

中庸章句記疑五條

祭祀鬼神說

忠恕說

卷之七 序記跋 銘贊 字辭 婚書 祝文

自靖錄序

復性警序

來去泉序

是憂扁序

唐律序

鄉射禮笏記序

白氏追遠錄序

密陽孫氏派譜重修序

一室兩烈錄序

牧庵集序

止庵遺稿序

追慕軒記

永思齋記

追遠齋記

祭田立約跋

族譜跋

會友銘

梅花贊

白一顯字辭

朴璜字辭

金廷圭字辭

秦弼奎字辭

梁柱亨字辭

時錫婚書

義錫婚書

祭堯泉土神文

復一堂金公履道追配男山祠禮成祭祝

男山祠配享告由祝 洞中歲祭松嶽山神文

足窩公再甲日告祭文

亾兒忠錫移安告辭 辭免分教官時告廟文

亾兒移安告辭 慰安告辭

卷之八 祭文

祭季妹韓氏婦文 為兩姊氏祭季妹文

祭伯姊開城金氏婦初忌文

祭季妹遷窆文

為叔父祭泊然齋金公文

祭蘿山先生文 祭亾室孺人朴氏文

祭亾室再忌文 祭止菴金公文

代金直源祭外祖母文

祭馬戊伯文 代金履一祭從祖父文

祭姑孺人崔氏婦文 為叔父祭妹崔氏婦文

祭仲姊李氏婦文 祭叔父一齋公文

卷之九 祭文

祭心遠子韓霽園文 祭戚叔金公宗玉文

同羣從祭再從大父嘉善公文

祭老婢鳳今文 祭從兄進士公文

祭菑墅韓公文 祭戚叔金公宗祿文

祭是憂韓公文

祭外舅間泳朴公繼室李氏文

祭朴父叔履恒文

祭岱淵李公文

祭韓甥晚植文

祭李甥楫文

祭忠兒初忌文

祭魯谷馬令文

祭叔妹韓氏婦文

再祭叔妹文

祭權文翁文

卷之十 墓誌銘

先考雲圃府君墓誌

先妣淑人壙誌

從祖伯父學生公墓誌

同知崔公墓誌銘

安東金公墓誌銘

叔父一齋公墓誌

南原秦公墓誌銘

崧南金公墓誌銘

伯姊氏墓誌銘

沃川金氏壙銘

高峯高公墓誌銘

開城金君墓誌銘

霞村金公墓誌銘

亾室孺人朴氏壙誌

從父兄進士公墓誌銘

泊然齋金公墓誌銘

是憂韓公墓誌銘

海豐金君墓誌銘

卷之十一 墓誌銘

全州李公墓誌銘

蔚山朴公墓誌銘

密陽孫公墓誌銘 學生朴公墓誌銘

再從兄學生公墓誌銘

別提白公墓誌銘 學生玄公墓誌銘

武及第金公墓誌銘

孝子 贈主簿秦公墓誌銘

安東林公墓誌銘 孺人薛氏壙銘

惺齋金公墓誌銘 白菴朴公墓誌銘

武及第朴公墓誌

卷之十二 墓表 墓碣銘

王考足窩府君墓表 貞州金公墓表

學生金公墓表 三從兄進士公墓表

綾城具公墓表 丹陽禹公墓表

韓君士能墓表 清風金公墓表

全州崔公墓表 海州朴公墓表

間泳朴公墓碣銘 學生白公墓碣銘

再從大父進士公墓碣銘

陽川崔公墓碣銘 學生白公墓碣銘

同中樞梁公墓碣銘 學生秦公墓碣銘

同中樞孫公墓碣銘 白生圭顯墓碣銘

海豐金公墓碣銘

卷之十三 行狀

止庵金公行狀 牧庵金公行狀

蕙晚韓公行狀 孺人林氏行狀

警懶金公行狀 崧下許公行狀

卷之十四 贊事 言行錄 傳

祖妣遺事 先府君言行錄

先妣遺事 叔父言行錄

叔母孺人李氏遺事 金濟羽傳

附錄

行狀

墓誌銘

目錄終



初庵先生全集卷之一

詩

赴貞洞講會 甲寅○男
山舊稿

宿雨新霽朝日清明越嶺度陌逶迤怡情彼鬱者松
中有茆齋二三君子其來未來

望崧山

巍哉彼崧山實爲此邦鎮都邑迥當瞻往來看不盡

游天磨五首 乙卯

登遮日巖

跨巔度壑了躋攀坐處襟懷隨界寬身藏萬水千山

林廡集 卷一
裏却望千水與萬山

北聖菴

危石百餘尺倚天露蒼顏淒風動四壁曉月頂上寒

小西門

振策城西門引觴命儔侶天風迅西極積雲四奔去
矯首一以眺八荒同凌舉坤軸富持載乾文畢昭著
羣山內附走大洋浩圍外赤日半咸池長暈映蒼黛
偉哉造物觀居然使心快

文殊諸峯

圭璋搃特達天勵自爾殊羣依閱幾劫保此難形軀

望海

仲尼憂世至而有乘桴願諸夏環轍窮歲暮難坐見

山齋偶成

風日相與和庭蘭揚素芬宴坐靡餘意天人定誰分
行徑草虫亂聞步慎紛紛

田家雜詠四首

風雨候有時田家夫望深多謝上天澤一如老農心
禾黍子去種井臼婦其職大人且安坐弟子願効力
斗酒羣慰悅禾登租稅平今年婚嫁了益見鄰保情
生男又長孫安飽老此生慚愧不才身還爲聖人氓

龍洞山房月夜

萬木澄且幽遙泉響不已清夜境轉浚無人喚余起

喜晴三首

早起褰樓簾眺望愜心曾歸雲盪不去蒼翠儼數峯
君看霽天意盡在前山重

積雲墜幽壑垂雨斂高天日午亭亭出風清冉冉宣
野兒羣弄水農父盡來田故友幸尋我甕醪熟已先
天日如新睹欣欣萬物蘓村翁出破屋行旅勇前途
穀損已雖惜農豐夏可圖時時霑細潤勿使重憂枯
夜坐

皎月當天中平如水在器永夜不可思不思猶不寐
天地何悠久廢物各安性樹木儼相待一園氣深整
塊然坐庭畔因叅古石影

貞洞四景步贈內兄金可圓天復

滿園桃杏

洞日春風長園花生復生百物暢榮腴端居怡性情

繞城松杉

圍松互蒼黛森疑凌雪情邱中歲云寒努力彌堅貞
北巖晴壑

藉以千年石繚之萬樹松有時成燕坐端目注遠峯

南塘秋月

方池淨秋月芙蓉宛中央懷哉無極翁匡廬足徜徉

追慕足窩公

哀我先王考容聲記漸漫在堂壽寧辱乘化渺何觀
地下英靈大人間骨肉安願承祖母愛百歲永浚歡

謾題

落日山水遠邱中有人影懷哉唐虞皇千載勞歌詠

春望

便服相將麗日遜晴郊一望豁心疑臨溪俯拾無名
草多謝陽春細不遺

曉月四首

曉天月仍在三五領踈星風露淒不同樹影澹留庭
相看忽相失索然如酒醒今宵定來望依舊復東昇
高樓門寒閉歌舞俱已了惟有送遠人淚眼望天表
長更事已過遠空心獨皎殘星莫相猜及汝同此曉
衆鷄傳鳴亂人間路何杳獨向空裏盡常歎見者少

秋日郊行

深居有歲月出門意何似秋風颺客袂飄然思萬里
山平意隨豁嶺高身漸微所經多田疇屢悅禾黍肥
行行路不盡悵望將斜暉千載可誰思廣野今獨歸

幽居

幽居在東谷谷口有長風出門仍理屐故山危路通

曉覺

心平體肢舒而無夢寐擾落月半幽窓枕衾餘輝皎
四鄰鷄聲亂人間從此曉

偶筆

吾觀天下物有真必有似稂莠與碣碣真者乃辨是

家君甲宴獻壽詩

有序
已未

今上之二十三年己未八月二十九日即
我家君回甲之初度也家君以其日為外王

母諱辰即移筵于越翼日而其月適小盡翼
日者乃九月之初吉也晨則行朔參禮于先
王考府君之廟退與慈母叔父及不肖等上
壽於祖母既訖不肖與姊妹諸從稱觴我父
母於祖母之側祖母時年恰八十矣于時
朝野泰寧黎民多壽以至六十者不能枚以
出門矣然回甲稱觴獻壽怡親如我家君者
誠未多有鄉黨咨嗟莫不稱慶且家門少故
慈母叔父叔母季姑以至姊妹諸從并幸無
恙老者有孫壯者有子羅列盈庭升降獻酢

之際歡意充周款洽無少虧缺之故此又家
門之盛樂也燕訖歡感交極遂賦長句一篇
畧叙其事蓋以明私門安樂實由 國家之
理明而老少休康相保無斁又皆出於我家
君積德之所致章卒區區致意則所以祈我
家君永保天休安上全下眉壽無疆使百年
家中無改今日之盛觀此又非言語文字可

槩云爾

時平歲登四方晏田里父子各相安此日何日躋北
堂百口冲灑慶筵寬大人六十有一年櫛白問寢有

老親生朝斑斕婉舉觴室家歡抃覩耿光怡怡弟妹
聯左右婉婉子女繽笄冠所敬所愛俱無恙盈堂郁
郁向歡顏猗芄景福永無斁積原自我履用臧祈憑
盛德祝遐壽再拜酌酒思無疆舊甲旣除新甲起百
體元精藹春陽添髮桃顏一百歲煥若朝日臨高堂
孝慈則極享彌篤萱闈長襲老萊芳一家休休仁覆
中輒逢佳節同翱翔小子作歌歌不極崇岡峩峨江
流長

又律詩

百口懽聲動曉涼敬將良日拜高堂居恒喜懼多私

惘及此觀瞻感盛光小子冲駘登是席大人壽考永
斯觴盈門藹藹融和氣會見天休錫福長

又絕句二首敬壽王母

今日安否更如何申問高堂色乃喜朝來盡室歡瞻
中綠髮朱顏倍增彩

思樂良辰慶不窮綿綿百世繼開隆齊心十口交良
祝王母堂前拜奏同

又絕句二首敬壽大人

恰周光陰一甲子圓機回復驗天地沈痾定自今朝
脫百體元陽沛川至

壽域生靈揔難老極南星彩應休明但得父兒長相
存一世優遊頌太平

奉和家君韵

願此良辰回復回澄潭千丈壽樽開年年但使如今
好人世誰多此席來

和馬君吉祖慈夫人甲筵詩韻

何處多春氣君家壽席開惠風萱再綠遲日綵雙陪
辜負升堂拜未從賀客來蕪詞助善頌佇見甲重回

山行遭暄

半日偷閒地登臨悵有違巖巖容隱翳魚鳥意深微

古寺名僧散秋天皓月迷所遭聊取樂容與且忘歸

擬四時詞 庚申

風和藹藹鳥鳴先春入高堂景物鮮從今一日長如
歲花竹陰中每壽筵

首夏薰風賁一園滿庭槐影到浚軒家人晝永常多
暇齊上高堂奉笑言

驕炎已退入新涼斗覺高堂百體強婦嬾女紅男執
業夜深深院有燈光

晨興問寢簇屏障一歲無蓄冬已殘祈寒政賴高堂
燠婢爨奴薪慰爾艱

龍洞山房與心遠子韓霽園在濂共賦

偶爾登山嘯聊成對酒歌巖泉有鳴響谷口雨新過
乘鶴齋承牧菴金敬初尚欽是憂韓景和履源
止庵金可圓諸公見訪同賦

與霽園戲拈杜律韻

此夜高朋會山中雪色奇良緣固偶合勝事若相期
暑月風林爽閒齋野客幽朝行帶山色夜坐聽泉流
慕古聊存拙逃紛且遣愁餘生竟何許書卷一牀頭
題扶山崔氏莊

昔從羣彥訪高廬竟日歸來興有餘麗寺址幽翻別

業九齋風古喜鄰居泉源引竹鳴庭戶山色親人滴
案書珍重主翁早成隱石田時雨長春蔬

感懷六言 丁卯

兀兀人間五載處家一似羈踪隨緣憂樂無盡長隱
宵懷數重

丁卯春讀書花谷書院祇謁廟中次板上諸公

韻

一宿清齋始禮叅廟庭春入草如藍象得高風何處
見滿山明月照虛潭

禽魚一境闢溪濤於此高人味道深二百年來悲墜

緒極東域裏感空林炷香廟有諸生拜觴酒亭容過
客尋今我無緣承妙旨入山三月費沈吟

五月念五日奉安朱夫子畫像於寒泉書堂因

感賦此

一幅依然親奉音函筵長跪感懷深七分尚認山河
氣千古難描水月心洞裏流泉知不遠編中無極到
如今腐儒夙慕先生化密邇遺容起短吟

目擊耳聞揔夫子端居平日思悠然表章萬理咸歸
所扶植斯文永配天格物復明曾氏義求仁悉發孔
門傳當年若匪吾師力寶匣瑤琴竟絕絃

遊金剛十二首

和馬令稗學游別章

雲鶴栖遯固在松有時飛去卽天峯鳴聲忽作離羣
苦碧海青冥路萬重

出東郊作

秋日佳游與子同郊門晚出翼輕風平林淺水渾經
歷筇外靈山一道通

途中作

一策高秋萬里心連峯淑氣際平林朱翁像外山河
遠弓裔墟邊草樹深暇日良遊親友並百年豪興滿

杯斟長程晚色遙擡首鳴鴈南來亦好音

偶占

世界荒涼無主久乾坤造化要人看歸來一線惟餘
路領盡千溪與萬山

滄浪亭

一帶環溪壁瀟然岸上亭漁歌何處去舟艤柳林青
聖住庵

遠壑寒泉響空庭素月明閒行古樹下時聽念經聲
斷髮嶺

昨夜寒風起海天卷送飛雪滿峯巔我來八月楓猶

早別界時光話老仙

明鏡臺

危巖千尺聳成臺洞府陰陰闔復開不有靈源流出
世緣何引得俗人來

萬瀑洞

萬瀑洞中白日雷怒龍千百鬪喧豨奔騰直下靈源
口玉甲蒼鱗積作堆

衆香城

萬千呈巧各分明元化渾渾本無聲瓊姿玉骨俱清
冷認是蓬山雪晚晴

望海

蓬山餘興屬高秋一策東臨萬里流江漢千支歸大
統乾坤一末有孤舟玄間灝氣無邊積域外羣生盡
此浮半世悠悠湖海志桑麻西土悵回頭

巨壑東無際玄陰下積精乾坤橫割據造化並流行
倚楫皆同志臨風獨遠情悠哉浮海歎三復感吾生
偶成

詩書有餘樂邱壑愜素心行隨流水長坐與白雲淡
引跡成高舉遊神事遠探餘生何所慕前修有軻參

次韓是憂基谷八景韵

有序
戊辰

景和兄於長湍寶鳳山下構小屋新就以爲
異時藏修之計作八景詩以見志余知兄有
此志蓋已久矣今幸其有緒祈其事之遂成
步其韻以贈云

門巖遠眺

一區平野曠然中羣岵如屏翠不窮莫道深居無遠
照門巖高挹際天風

梯瀑幽尋

別有囂囂謝世人巖栖澗飲得天真有時筇屐無相
伴白石清流絕俗塵

小岡夕暉

半簾斜照入茆堂千樹松杉影倒長珍重幽人情分
寸卷中日月繫東岡

新泉朝靄

新築溪邊半畝池朝霞帶日弄清竒坐令林壑添幽
勝正是高人早起時

寶鳳疊巒

屋背崢嶸萬仞山鳳皇翔在彩雲間幽居已入窮源
處水度幾回出谷潺

天鵝邃林

鵝岵住春春不歸滿林蒼翠滴人衣
主翁酷愛前山色盡日爲開白板扉

湧巖白雲

離羣一岳入茫茫秀色蒼然萬丈長
居高只有雲來住却向青天與作章

中峴明月

川光岵影靜中開良夜迢然興甚哉
千載有人懷不見一天明月共徘徊

遊漢師七首

過慕華館

左挾千仞嶂右蔭萬樹松長道行坦坦
晚暮且從容

道峯山

東來數日少歡顏懶步車塵馬跡間
晚出青門三十里神交惟有道峯山

道峯之下水泠泠上有荒祠妥二靈
慟哭斯文千古厄覆車前後繼重明

酷慕當年趙夫子海東絕學唱千春
叔季超然三代志茆廬早起爲斯民

宋翁偉氣蓋東方手撐宇宙振三綱
凜凜當年不挫意豫章千尺耐風霜

心香一炷拜英靈寄宿清齋夢易醒奕奕當年雙老
志冰壺水月轉分明

訪李南平二子樂淵翼淵有贈和之

職以先君思過君草屋寒貢王朋友最元季弟兄難
風樹露餘淚杯尊續舊歡神交貴無外不作世人看

元朝述懷 庚午

心守經書訓身依父祖靈人間無滯礙瀟灑送餘生

偶吟 辛未

冬夜天寒月轉明小堂琴酒有餘清邇來俗慮皆搖
落千聖書中見性情

清泉石上流

我有山中一曲泉盤陀石上響涓涓從來不受泥沙
染特地流行保本然

清泉清泉石上泉盤珠簾玉響涓涓從茲赴海前程
遠莫向泥沙汙本然

獨憐幽石散清泉俯視如空聽始涓清風朗月無人
夜玉立襟懷正灑然

偶題

乾坤俯仰古今同千聖遺蹤在此中孳孳日用靡餘
力莫把殘生負化工

題水庫洞墳庵

吾祖昔營此字完邇來四紀亟飛湍門闌敢爾隳先
志堂構依然返舊觀百世千支同一氣人間地下永
相安殷勤寄語方來裔孝思無將近遠看

叔父一齋公甲筵詩

壬申

人稱三世甲回稀私姻猶嫌報施微積德吾家今始
發斯辰定見復來歸

題心遠子金剛行錄後

癸酉

筇鞋冠蓋日紛紜真面金剛萬劫昏天機一動詩人
筆箇箇靈峯欲自言

一別茲山已十稔幾回清夜夢中還從君得此傳神
筆不向熹迷枕畔看

冬至吟二首

甲戌

九野寒威一斡新滿山枯槁盡歸仁齊岑尚有孤根
在直到千雲萬丈春
子夜雷聲動墜新氤氳一點露全仁天公厚意勤培
養噓作人間萬物春

題武侯像

乙亥

一幅分明見我侯未應心事隔千秋茅廬偶復逢風
雪重憶門前舊豫州

詠檜

挺然直幹入雲高萬木叢中獨也豪江海縱違舟楫
用猶堪風雪守東臯

雪月

乾坤一夜不勝寒月滿長空雪滿山刮盡人間朱紫
眼翻然萬里換新看

謾吟

丙子

郊園瀟灑一茆廬空壁惟皮數卷書人間萬事渾經
歷收拾殘生賦遂初

贈崔上舍穉遠寅漸二首

人生只怕負斯生豈怕無名與有名若道才卑難入
學才卑不學轉難行
南居如主北如賓只此便不萬事因立脚須從平坦
路纔容私智便非真

君子第三樂

斯文萬古育羣生傳授宜先並世英敦學一心如合
契沛然時雨幾陶成
斯文愛育任平生收拾當年四海英心傳口授誠相
契萬古淵源一席成

月夜遊善竹橋

三三五五野中行上有青天孤月明善竹橋邊聊一
醉悲歌數曲不勝情

與豐德李秀才宗廬

郊園秀色已知秋遠望依然有別愁青眼有人成避
逅半山迎客倍清幽期君白玉終成器愧我霜標早
插頭珍重忠賢前代感平生莫忘竹橋遊
書劔虛拋四十年晚緣學圃束陳編茅屋數間塘半
畝此中不足向人傳

卽事步儲光羲游茆山二篇韵

丁丑

郊園驟雨過晚涼生林間谷風遠復近小堂清且閒

長跪整素襟對案開怡顏同情曠今古覽跡殊河山
羣生自動息四序相代還陶然環堵內終歲掩荆關
讀書

鄙哉樊須學久矣束陳篇陳篇今寥落誰復繼其傳
山蹊任茆塞大明墜厥懸彷徨榛莽外或到籬落邊
升高必自下掘井須及泉吾年行四紀忸怩愧前賢

田家

爺孃忽已老幼小滿眼生及此膂力強百畝須健耕
清晨之遠野黃犢時一鳴稂莠日以去禾黍日以平
今年時雨暘無蓄到西成勞苦事已過稔積喜方盈

本庵集 卷一
况復租役寬終歲罕入城觴豆時狼藉老少同歡聲
爲言長人者識取農家情

白鷺

天末遙翻日色明江湖萬里去來輕人間獨有巖陵
老踪跡瀟然似爾清

遊歸法川

生憐歸法寺前流復此來臨水上頭雨後泥沙淘汰
盡一溪長日伴清遊

扶山謾興 戊寅

我家崧嶽山根住背後無數蒼峯起嘍嘍詠歌千載

上滿地人寰不盈視松月蒼蒼松雲宿夜起兀坐羣
書讀鶴鳴一聲東方曉飲氣靜對新昇日山中春雨
洗藥臼瓊漿滴向人間出

示諸生二首

我愛青年有志人鵬程萬里浩無津光輝赤日新昇
嶺芳氣開花正當春歷覽乾坤精力壯經營家國步
趨新請君莫恃方來富虛負昂莊七尺身

骨肉凋零身老大朋知衰謝意淪沉餘生獨與諸君
托莫負殷勤此日心

松聲

崧山上下鬱蒼松中有吽號萬壑風老幹勁髯寒共
耐前噓後吸響難同可令遐想生塵外獨有幽人起
夜中金鐵波濤喧擊裏怪來雙耳寂如空

春雨

前宵一雨極知時園樹生心萬億枝擬看春光無內
外共要鄰並去樊籬

朝起入城於路望崧嶽有懷山中諸伴

望處崧山一宿新綠嵐紅日漸知春遙憐箇裏絃歌
子未憶塵埃路上人

登崧岳二首

一醉披襟萬壑風飄然兩腋若憑空遙岑曲曲通江
白近野家家擁樹紅素志長期千古上浮生忽感百
年中尋山訪水猶餘興聊與青衿數子同
不將身世問蒼天鬚髮居然許大年遊子來時聞日
月麗王歸後舊山川荒城十里居人簇曠野深春草
色芊醇酒三杯未成醉夕陽人在古松邊

觀諸友肄鄉射禮

諸生觀德集春山盡日雍容揖讓間曠感真同韓愈
氏前王世遠竟難攀

遠霧

杖策幽人起曉天遙空一抹繞如烟峯巒無數相重
疊湖海生形互接連獨樹迷茫如古島飛鳥搖曳似
歸船閒居飽看人間世萬事都從起滅邊

聽水二首

昨夜水聲清在耳今朝夢覺聲仍續中間斷接了無
尋谷神炯若水晶玉
水語泠泠夜愈多萬端千曲訴誰何安得如渠廣長
舌遍令天下覺無訛

入山

入谷非塵意緣溪有碧陰夕陽人去盡流水自清音

月夜南峯有霧

一朵籠山霧月明疑白雲夸娥老愛鏡照髻雪紛紛

夏夜詠月

暑氣全相代秋天不獨明捲簾成久坐虛閣有餘清

小槐

弱植纔三尺清風擬一臺深根枝自茂願子及時培

野鷄

勇氣橫長尾決時鳴且飛猥逢尚文世獲補袞裳輝

雨意

戶外皆雲氣洞門如海深冥栖坐超忽卽事便怡心

古意二首

朱絃二十五絃絃有遺音從人學其指未獲彈者心
不識美人面不接美人音愛好良自性寤寐永勞心

文巖觀漲

長川一道碧林中噴雪流銀勢未窮洞裏喧聲來轉
盛連山雜沓雨兼風

後澗雨後二首

出門水聲瀉未到已欣然昨夜雨一道漲新泉
高低遞見白前後互成春得水山方活灑然非舊容

喜雨

望久如飢渴來蘓喜共霑皇天固愛子弱國屢豐占

櫻桃

亞亞長條弱珠珠綴葉紅山禽不敢啄畱薦寢宮中

景香臺敬次王考足窩公韻

耳目森森聞睹餘龍蛇一慟此生虛尋常到處輝猶
映五十年間跡未疎句語細微歸詠後風光不改繼
來初斑衣繞膝渾如昨回首男山是舊居

龜臺

穹龜背負土平地起成臺永許山翁坐教看萬像開
追慕叔父遺跡二首

杖屨經游地詩書此繼來撫時忽已古追跡舊違陪
勝墅新移主嘉名尚有臺叔父嘗刻水月
會三字於臺壁四山躬奉
遍何處不心摧

所歷地為貴端居痛夏新陳詞銘四尺描德擬千春
薄識迷先美微才愧古人家庭實跡煥毫墨敢虧真

霧樹

遠勢渾如畫高低重復重幢幡千萬仗拂曙列儀容
雨不止

久旱俄復雨浸霏更望晴生人氣未溼嘉穀水將平

孫生尚志與諸友來訪

新晴喜與故人逢破霧南山呈數峯知爾琴書栖不
遠得閒時復話從容

香臺小瀑

周鍾響隱隱枵腹漲穹巖暗看玉龍子攀崖起小潭

温大學

數十年前讀此書今來開卷意茫如頭鬚半白朱顏
謝暴棄殘生更幾餘

還山

客寓經時如主人居然一別更盈旬今來復自塵中
返轉覺林邱趣味新

夜雨

空山前後響殷雷五夜幽人睡獨回連天黑雨傾盆
急已失庭中半畝苔

落落長松夏寒

根株牢落老龍蟠下有吟崖百尺湍勁節不隨時俯
仰風聲獨帶夏天寒

卽事二首

空山霽後入新涼月明露華知夜長一曲商聲風外
轉幽人何處感時光

庭柯葉葉露華明月夜空山涼氣生飛泉幾道相輪

灌灑作風濤滿谷聲

天磨道中

千巖萬壑翼輕風狂興無端發此中住近靈山三十
里莫教塵俗累心膺

朴淵

天磨萬仞石爲山山斷陡然水出間雄鳴萬古臨天
下拳石蹄涔不敢攀

至日吟

我向堯夫詩上吟靜中一動見天心玄機乍斡分來
徃坐看微陽伏衆陰

月夜訪景和兄

吾家月色勝君家村老相逢也自誇今夜一樽無彼
此滿空清影共婆娑

圓通寺謾題

空山新雨瀉清川步履翩然獨自先半世都忘塵裏
事全身已入洞中天鳴禽未改鴻濛語獨月偏多午
夜圓此地相逢皆好友一尊深話欲無眠

白君時中聖儉書室夏集以清琴橫牀濁酒半
壺分韻共賦得橫字

喜赴良宴期翩翩野中行宅相新有慶兩家翁髮明

今日湯餅會四座列友生高堂暑氣霽清琴尊右橫
願言麒麟兒懋德昌家聲

絕句

映月行樹間追風到陌上閒居任所適久慣真成曠

夜集崔君壽德莊

北里梅花早已開主人兼有濁醪杯誰知鷄黍龐公
隱共喜龍鍾元直來澗戶東西成巷陌宮墟咫尺愴
莓苔青燈半夜仍團坐莫使街鍾報曉回

孤雲獨去閒

浮雲一片際高山舒卷雍容自在閒野馬塵埃迢遞

外長空萬里渺茫間輕風未許相催促高鳥何能與
際攀獨有晉時陶處士柴桑畝裏共來還

次許允衡銓壁上韻

陋巷顏氏瓢春風點也瑟二者無彼此得處理皆實
請君濔其源百慮會歸一前修逝云遠吾道久已失
情知所樂意萬古靡終畢

至月六日夜子時冬至

邵翁句內細推來玄酒希音妙境開刻漏未殘鷄未
唱乾坤生意靜中回

初庵先生全集卷之二

初庵先生全集卷之二

詩

復遊漢師二十首

庚辰○
舊稿

花石亭敬和栗谷先生韻四首

八齡詩卽壯句語蘊無窮未謂鵬天遠行看葵日紅
域中誰並駕天下共聞風儀鳳歸窳廓虞韶曲未中
古人今不見吾道此何窮瞽相皆榛棘婦容總粉紅
撫時思俊傑考跡仰高風洛建相傳旨昭然舊稿中
亭上詩猶在亭前水不窮朗然前日事幾度楓林紅
東土人無福法門士有風江湖廟憂重詎忍老聞中

花石亭開萬古幽域中豈獨此林邱先生遺跡逝猶
在江水無情春又秋暖日如聞會點瑟月天應拂晦
翁裘皇華駐節聊添勝儔事從知濟世猷

北漢城西門外

洞天晝日明碧澗鳴環佩山外已如斯山中知有在
入城作

松間往往白流水鳴如雷前境雖云好每過首屢回
白雲臺

赫赫吾東萬世基天公當日費心爲書生載酒渾閒
事只爲逍遙際盛時

木覓山

南山北岳總登臨千里邦畿樹本深我願 君王勤
用意延基萬億答天心

出南門

都門南出柳堤開此去 隆園數舍回長憶 先王
霜露感翠華幾拂嫩條來

泛漢江

清漢江頭桂作橈水明沙白去迢迢中流百棹連如
柵爲是 王城十里郊

曾上滄溟萬里舟長空渺渺接清秋邇來十載塵生

襪濯盡今朝漢水流

稅穀船

千里乘危赴上都
斗量珠玉若山輸
爲言鼎食諸君子
民事君恩克念無

江亭

東華十里漲紅塵
幾箇回頭向此濱
沿江盡閣清無限
一任行人指點頻

夜泛楊花渡

夾岸諸山似醉眠
月光悄未上東天
天星下並船燈照
人在依微曠漠邊

湖堂

漸覺江湖若有緣
隔宵重上漢津船
湖堂美意今無繼
芳草愁人古屋邊

南漢

南漢城高鎖鑰嚴
昇平二百漸文恬
要將萬億無忘字
盡向東人額角粘
西將臺前休咏賦
建奴峯上莫登臨
載酒直招三烈士
狂歌亂舞殺胡林
孤城圍急賊如雲
千古綱常一髮存
只是諸人無節氣
忍令羞辱及吾君

常怪皇天不古先神州幾度屬腥羶乾坤自是無人
管豈謂蒼蒼故使然

歸路口占

溪山吾輩地人物盛時風縱有登臨興而無講切功
依微邱壑處悵望暮朝中知爾賢君子幽懷與我同

遊天磨滯雨大興寺

山雨渾如踵後尋鳩來山下阻登臨連峯漆黑兼天
聳萬壑雲沉抵海濛世事隨緣皆有樂濁醪何處不
宜斟小堂三日成間坐依舊清風朗月心

崔君壽德金生勉復適來與諸生共賦

匝坐和顏煖辟寒雪中非復卧袁安浮生髮已千莖
白烈士心餘一片丹且把幽情詩上討盡呈本象酒
前看丈夫自有安身地不數人間行路難

至日吟

九地氤氳一點新靜中羣物盡還春塵坑慾海頑無
覺獨有長年大寐人

石玄龜

有序

金君聖仲營治墓廬得一玄石甚鉅其形穹
然龜也異之用夫十六昇而置之庭除之北
蓋從其形與色而位之也聖仲家舊得石刻

龍頭相傳已若干世矣二者皆物之靈雖似而未真得之前後皆非偶然此又天成自然所謂愈出而愈奇者也聖仲請詩洛中士友以章其異既又徵余遂賦此以續貂

介甲石之族三百長惟龜獨爾堅凝過骨全無裹皮大年齊天地八名皆孫兒游荷笑輕薄人立土田中靈物固有知肯與衆頑同感君爲先勤出爲墓亭容穹背日曝灼甲文露古巖請君備一鑑齋戒以洗心吉凶在惠從觀象不待占復聞石龍頭君家傳世寶伯仲名實間獨自任天造禎祥萃德門百世永相保

臘月小望夜與諸生近出仍賦雪月

僊僊行地若遊空俯仰澄明一色中千載有人雷影子首陽雙立採薇翁

步贈許生惺壁上韻

乾坤萬物古猶今俯仰同流只此心嫩意相生庭上草遺絃不絕匣中琴曾襟尔有絲毫隔膜外都成陸海沈解把羣形看一體東窓紅日是知音

上元前四夜邀鄰曲共賦 辛巳

遲暮嚶嚶不忘初冠童六七足閒居隨緣偃息真成曠浮世趨營漸覺踈客座偶能沽酒滿山厨猶未食

薇餘逢筵悉吐育中事合把吾詩子細書

至日吟 壬午

動處羣陰不敢支一機消息頓遷移恰似聖人初降
世萬邦先有泰寧期

和崔丈元叔韻五首

天葩數朶落遙風捧玩奚徒拱壁同却愧踈慵成久
痼木瓜遲報半旬中

久矣不題數句詩滿竿聊試一吹之郢中白雪雖難
和也信賞音鍾子期

少日長期汗漫遊九垓八極意中留遲暮居然成獲

落只將書卷破閒愁

卧牛峴上起商歌凍雪嚴霜交樹柯尚念呵寒天下
士被中無寐叟如何

踰山筇屐怕深夏佇待風和晝日晴一席雍容承譽
效且將詩句賀陽生

次金君相璟壽親韻 有序 癸未

此人所浚願而不可必得者今既得之其樂
可知此朱夫子釋君子一樂之說也今景玉
兄老親霞村翁壽躋九十受 朝家優老之
資若景玉兄乃所謂今既得之者其為樂當

如何哉夫不可必得之云命之說也命固非
人所能致者而亦有可致之理焉親之與子
一氣也親譬則其根也子譬則其枝葉也枝
葉歸氣於其根而根固人子顧養於其親而
親安夫本根非借氣於枝葉也惟其氣之相
貫而不相闕也故能以之固焉親之於子也
亦然子之心苟能常顧於其親而無相間斷
則其親之心志口體交得其養而自然有壽
之道焉古之君子用是道以得此樂者往往
而是余今於景玉兄亦云不然人生六十七

十固已曰壽矣今乃延以至於九十百歲之
多是豈可以專言命者哉 誥下之後景玉
兄上壽其親感而有作余僭易奉和因並叙
其意如此云

君親臨在上人子有今辰三品煌煌誥九旬恰恰春
樂爲天下最慶自孝心純降命增茲永芝田化雨新
過泮宮

儒宮儼儼列高槐其上嚶嚶鳴鳥翹有客彷徨何意
思古歌一曲酒盈杯

孫家莊

溪外之溪山外山一生行止任其間雲松落落千重
嶽風水洋洋百曲灣此日名莊攜舊伴向來佳興未
全刪君看白石蒼林下終古流川獨也閒

奉和金丈行德游金剛韻

玉洞交脩夏春遊喜日遲昭明澹忘慮眩幻忽生疑
大地無儔匹羣山鼓瑟咨一會經歷返句語玩而知

和泰川守李是遠韻三首 乙酉

三世之交卅歲情似許交情少此生共君今夜南樓
月憶昔南樓看月明

數畝田園傍古城婦能織布子能耕氤氳大界春風

裏滿地句萌孰盡名

斯民憂樂我枯榮君子由來不暇耕家學淵源吾與
識竹看廊廟棟樑成

立秋後與諸友共賦以朗吟飛過洞庭湖分韻

得朗字

天地何寥廓聖哲皆已往堂級旣云夷琴絃久輟響
萬品空生滅誰哉主教養我生千載後俛仰思慨慷
云何古人心方寸四海廣今人相對處物我便成兩
此意無處告中夜倚虛幌所以耽墳籍擊節狂歡賞
新涼入郊園益覺襟懷爽晚食仍晏坐喜逢賓朋枉

同情若照肝晤語如爬癢歸哉二三子數來吟誦朗
小集歸法川

清流曲曲響巖間上有芙蓉削出山永日槐陰吟哢
穩莫教賓友早催還

丙戌三月九日韓鼎元在洛金穉仰東豈來訪
仍同諸生以池塘生春草園柳變鳴禽分韻得

池字

化日自舒長遊氣多叅差怒風將亂雪逐日紛相吹
雨土已可怪雨菽仍間之著物黃似埃點地黑如緇
休咎理有徵此物來何爲掩卷沉歎久愧如漆室接

天道竟復常掃清不踰時依然照和晷萬物向熙熙
花心煖應綻麥芽青欲披我意與之和朝食自怡怡
適會良朋來相賀滿心期酌酒仍賦詩灑然臨前池

男山舊園十一詠

有序

崧山之麓南迤六七里復起而爲山者曰子
男子男亦名天台其頂右曰乳石左曰鷹巖
循脊而下百步許稍右有宅一區岡阜環抱
內窈而圓方可數十畝負陰而抱陽中有古
屋數間果樹翳然四周其下則稍陘而長有
井與田蟾巖伏其巽地而密邇蠶頭聳其坤

位而稍遠閭閻萬井櫛比眼前龍鳳諸峯環
拱於其外蓋處地高爽而樹基穩密信佳境
也歲丁亥春我王考還自金陵而宅居創書
室於屋前而取知止自足之義扁以足窩長
老從遊日盛而諸生問業日衆於是乎男山
之上始有詩社射圃書會焉蓋足窩公居此
十有九年未嘗一日不樂而先君子登第與
不肖姊妹生長又皆在其時及足窩公既喪
越六年辛亥先君子始就官日哦堂而遷焉
則其可謂久於此而盛衰哀樂備焉已矣其

後滄桑屢嬗不肖瑩然在世居止無常而夢
魂常不離於此然始也輒不能過而視之經
由必取他路中則過而必涕旣久則爲家庭
舊跡多在於此而日遠而日忘輒欲親就於
此而有以自慰也乃於丙戌之首夏與姊婚
諸甥兒曹及二三親朋來遊焉皆取其有關
涉於此園者也景物多非舊觀而惟往跡之
在眼者昭然不泯戚戚焉有動於中而殆不
可復堪遂賦短律十一首又爲小引以推原
其意茲非所謂歌以當哭之類歟嗚呼其可

哀也已

天作名區與考槃茲焉吾祖暮年寬當時胥宇來王
母愛好清幽意一般

屋記壁詩憶舊題乾坤風月浩無倪遺堂已與雲俱
逝知足高懷孰復稽

書室已壞

足窩公書室有序記各一七律
二乾坤風月乃摘其詩中語時

諸生問業自西東亦有詩朋社伴同十九年來貧約
裏家人常坐一春風
先人龍榜逮雙親庚子年春樂事新迷兒七歲憐無
識只向花間起舞頻

長憶寢前東小室阿孃刀尺夜靡休黯黯燈光藏戶
內覺時惟恐老人憂

全家瘦癯再經來獨保羣兒母也哀終焉大厄龍蛇
歲想到于今臆盡摧

乙巳足窩公
以斯疾終

佃田種樹日紛紜萬事家中叔父勤直到冬寒方課
讀三年已了四書文

姑姊妹皆女士風宜家宜室後先同淑姿縱是天成
美懿德誰非教養功

絕憐膝下晚生孫不肖偏蒙海嶽恩諄諄教育慚辜
負他日何顏拜九原

一婢鶉衣荷主息磴途遠汲供惟勤遂致州中諸有
識鳳今名字也皆言
自我移居歲月浚重來非復舊園林惟有西庭卧松
樹古蒼不改歲寒心

西岡春朝

後洞桃花三四家朝暉掩映綠嵐加幽人俯視聊相
適知爾春閒老少和

觴詠臺

巳丑○男
山續稿

崧山之水是其源晴後飛湍響客樽崔翁舊跡猶如
昨令我超然欲忘言

靈源瀑

飛湍數曲皓垂垂水緣巖巧轉清竒誠明敬業真吾
事恨不相逢崔老時

和贈李穉實甲筵韻

余友李君穉實少孤貧無以自活有勸以他
技可衣食者穉實不肯惟篤志攻舉業人皆
慮其徒取凍餓而業不必果成既而穉實馳
名藝苑凡四中京鄉解只有一子復授以其
業甚有文行亦既抱子穉實今年六十有一
矣室家偕老有子有孫其家亦足以供饘粥

以今視昔爲何如也識穉實平生無如余深
者竒穉實能自立於窮苦之中不爲流俗所
染以致父子並美蔚然爲文翰之家每相對
未嘗不內稱歎之夫士之不可以不尚志也
如此九月五日卽穉實初度其子廣延賓客
盛飲食以娛之穉實感而有作和者甚衆余
病不獲赴輒步其韻以少叙喜賀之意云
主翁初度極秋清子姓稱觥暖藹生美酒百壺多且
旨嘉賓幾輩爛其盈床琴不盡舒遲響庭綵偏淡喜
懼情致此豈云無所本識君志業我分明

次權文翁克明田甲韻

懸弧初歲屬茲辰積得六旬有一春白首堪憐孺慕
孝澆塵誰復老成人怡怡伯仲登高處款款親朋共
樂新酌海與君君莫讓乾坤錫福丈夫身

次具而鉉弘鼎回甲韻

六旬有一際 明時臨履平生穩自支喜懼陡增賢
子孝劬勞偏切主翁悲杯中綠酒如如祝髮上春風
細細吹從此重重還舊甲良辰宴爾好朋知

次白別提迺宜得孫韻

壬辰

豐盈犀角好兒孫天上麒麟膝上捫知子積息今累

世環城舉火幾寒門從來德善多餘慶千古詩書有
格言留與賀章爲訓語令渠識取此時尊

贈李鏡城文欽

癸巳

雪天一鶚北飛高下視胡雛整羽毛且向朝陽爲瑞
鳳及期來舞舜庭韶

倉洞新居次諸友韻

甲午

飛舞神崧抱一村洞中長日水聲喧如將道氣來相
助也滌塵襟不復痕奕奕當年王業地寥寥今日野
人園箇中萬變知何盡流峙依然自曉昏

餞權友文翁移倚南中

丁酉

春天渭北杜翁悲就食江南韓退之不盡我洋鍾子
感長吟衰暮隱侯詩浮生萬變誰能識七袞親朋乃
遠離從此遙遙永相憶羹魚飯稻到頤期

和權文翁三首

七尺軒然自在身東西南北去來人隨緣一世無拘
滯任爾回還若轉輪

吾輩如今暫在身天涯那復別離人南尊味似崧陽
否獨有無遮月一輪

七袞固窮玉立身植根湖嶺繼前人君家自是高華
胄他日門容駟馬輪

至日帖

一點幾微動處萬千躍躍皆蘓諸生騏驥思騁老子
桑榆願收

仁五首

天地冲和有此身滿腔惻隱是其因三才一體無相
間生物本心便愛人
乾坤中物總同氣仁愛流通天理然良知早自親親
始隨分差殊是大全
良知非獨是親親愛物仁民總本真請看鳥獸無情
類不殺生虫有鳳麟

天付人心最正通貫穿物我古今中昭昭感應無邊
際只為從來此理同
中蟠廣厚三千地上際昭明九萬空俯仰氤氲生物
裏悠然方寸與之同

感懷 戊戌

曉起風高霽月縣杖藜徐步到前川少日長江浚海
志歸來白首弄潺湲

亡兒子婚感懷

力養平生備苦辛何曾世味到渠身一子成婚猶在
後更將餘慶逮其親

氣質

開口為臧閉口非一形骸內異其機矧人稟賦殊千萬隨病而治敢自違

和李校理正履韻

朝陽鳴鳳後梧院夏高居善類聞風采直聲到野廬

昏酣憶舊晤數年前見悔懊尚今餘永荷殷勤意始

徐咫尺書芝蘭映棣萼是春其弟正觀光耀生鄉閭

病髓彌年冷春風是日噓狂言去忌諱拙性任迂踈

落落耕中餒並無蓄與畬其詩有云煩公重

戊戌陽月八日亡兒渾眷率入于宅中

言汝來斯不見汝素龕寂莫對阿翁空餘舊日怡愉色印在吾心與目中

贈別李應教正履以書狀赴燕已亥

終宵慷慨起嚴裝言從皇華適彼方永樂開基悲舊跡延陵觀樂愴前光中原赤子今安否衰世英雄盡伏藏且記山河形制壯歸來說與老生狂

贈李正履書狀回行二首庚子

禹跡前聞目擊還滿胷書卷映河山季文當日三思事為國今來大費刪

猶惜中州未徧看燕於大地豹之斑傷今感古無窮

意一任乾坤俯仰間

徐生繼祖賦芭蕉二詩就和其一

可愛亭亭幾尺芭
根株渾碧不成楂
中心特出常孤直
傍葉交開豈側斜
永日階前風動舞
清宵月下露生華
就中別有賞心處
珠子聲聲急雨加

冬至吟

天心無改歲常然
人意如何物引遷
願似微陽生地底
排羣直到六龍天

次薛教官渠回盃宴韻

辛丑

天上佳緣好匹儔
人間景福動西州
華堂烟霧重婚

席三世芝蘭獻壽籌
一命官啣雙對貴
高年米肉歲時頭
鳴琴坐釀融和氣
事事如今慶不休

謾吟

數間茆屋下一帶清溪
中傍有尋山路迂回十里通

贈徐繼祖

嘉君志業在承先
先則花潭百代賢
讀易辛勤退舊緒
建祠悽愴揭深虔
孤貧崛起猶能爾
佑啓由來致有然
莫歎化離多失學
桑榆收拾尚餘年

至日吟

願似微陽一點真
羣陰叢裏儼成身
直從九地堂堂

出噓作乾坤萬物春

辛丑生朝

寥落此一世獨我胡為乎紛紛人慾事尚有戀着無

聯句

雪月

庚戌
舊稿

尺雪散洞天一夜埋塵土

允基

幽人耿不寐自起步

廊廡

天地何渺茫慨然如有佇

宗復

忽看彼明

月繼出天底俯

允

山河一段瑩白不知所

寒光

逼鬚髮淒氣沁腸肚

宗

地厚不勝白天高景無數

允

羣山突而改璀璨迸玉宇 谷口一氣通樹影萬象

觀

宗

通明在玉洞照耀闕河府

允

澗壑澄銀汞松篁

皓毛羽

廣野隨形圓靈牝盡量貯

宗

俯仰天水中

孤舟若倚浦

允

乾坤在處滿一色不可補

空庭若

無涯微吟在階礎

宗

舍光與誰適顧影若輕舉

允
胸

中無一玷眼底曠千古

谷磴非尋處巖穴有歌戶

宗

千峯自相環四海應無阻

允

人間病失真溷色沈

盲瞽

天與去滓穢費此大機杼

宗

鴻濛一喚醒木

石同鼓舞

允

魂清不可收物來無一腐

良宵易懷

想悵然中心撫

宗

佳人翠袖薄高樓若為處

允

邊山

四茫然烈士心獨苦

浩思未易掇微言竟難吐

帷重下階良夜尚未午宗

老驥以下未詳年係

白頭歌慨慷起汝伏櫪驥 倏聳竹耳雙散鼓鐵

蹄四在洛昂然鳴一響若將吐壯志東豈憶昔齒新

齊神駿世無二 氣噴長虹巨步逐流水駛在八區

一蹴踏千里過瞥地東背有穆王乘口銜造父轡

葡萄與火棗天子特敕賜在一出驚世千羣空北

冀東百戰將皆侯世平忽相棄 馳驟豈云勞屏伏

非素意在權骨縮墊厩枵腹空馱飼東孫陽舊知已

田子為垂淚 時復思一騁羈勒夫何事在朔風打

空槽翻然立蹶躓東從他散錢買居如傳舍寄 俯

首場藿蕪舉目塞草翠在坐使駑駘輩聲價擅騰肆

東筋骸變今昔奴隸看容易 依戀隴西將淒涼大

宛使在逸足曾用壯暮年徒負異東繁霜墜秋節永

夜生遠思 頽臥非困衰海內無事致在曾不念宿

昔忍余此棄置東瘦骨峙如墻過者皆嘖視 青天

彼奔景肯為志士利在復似幽燕將窮廬氣沉瘁東

飛騰縱無力俯仰皆有備 身雖他日歿骨猶千金

值在此詩傳與人永世戒勿墜東

賞蓮以下他人詩無錄

水面淨香開兩餘良友枉新秋秀色高半畝幽情廣
特質知無雕清根任濁壤羣依未肯阿後出逾高上
亞亞如相須亭亭若獨往清幽檜柳環灑落琴書敞
露下千珠圓風來百頃瀆真襟入細論清玩聊同享

幽草

舍生誰非物春意獨幽草輕塵伏不起晝日爰無燥
遠惹懷人思輕噴被花惱江湖一望白孤烟染洲島

山房

襟懷合古今性命通幽勝寢啖皆幽懷飛潛摠切證
羣蟬白日長列檜蒼霄亘八夜月恒孤檢書心默醒

養成氣量洪照遍精神瑩騁古冥登梯搜澁黜測絙
沙遙淨欲流闌迥敞宜凭數友志堪同百年俗肯稱

負薪叟

世衰多鰥獨吾見又此叟魯邦斷者誰周老餒已久
吾斧獨易鈍彼木苦難剖無眠起常先僂行困無偶
風霜纏禿髮汗雨蒙浮垢如山兩肩重有虎當頭吼
悲來或自歌勞甚屢貫酒朱門熾斲炭黑頭居筵右

快意

室間少妻痾戶逢良友叟東西旅返家億兆飢逢爨
廊廟賢才揚邊隅勇士捍洋洋得水魚浩浩凌霄翰

力穡有登禾做官無漏案沉痾藥似醒久旱霖如灌
舉坐皆昏昏一夫獨侃侃冥行燭引途暑坐風收汗

挽歌

蒼淵韓公敬素挽

豐贍春容獨擅場大家詩筆兩兼長閒吟未去浮靡
語急就皆成健雅章盛世笙鏞雙拱手故都風月百
傾觴遺文未與人俱去留作千秋頰舌香

泊然齋金公載晉內挽

帷席雍容不動塵御人皆坐一團春會瞻養乳升堂
日夏感調絃處室辰七十餘年閨裏玉三從無慶膝

前麟泊翁逝後重今訣回首佳泉跡已陳

任可遠相翼挽

奇君之志愛君才却恨青眸晚拭來獨也靈心易觸
發芸然羣物漸褰開初筵笑語襟如見半世窮居氣
未摧從此秀苗仍不實天公無奈失栽培

韓霽園挽

憶昔初從小學時與君髮髮兩垂垂皎如出日方昇
嶺矯首雲程萬里期

君才峭拔我踈迂駟馬前頭愧一駑半世殷勤征邁
計簡書幾度道區區

先人之愛子乘龍貳館春風和氣濃王樹階庭添一
勝繞床陪話幾從容

獨掃千軍一筆奇布韋曾入 聖明知名聲藉藉傾
當世華國淵雲未遽遲

藕華館裏貯清香簾閣長開素月光悵東人少會
意燕雲萬里思悠揚

明珠有價玉無埃誰遣青蠅點汚來千里離魂招不
得南荒五載已心灰

歸來綵服慶趨闈素志青雲未盡非博得頭邊蓮一
朶寸心聊擬報春暉

溫玉悄然換瘦梅家憂世故浩難裁怱怱四十餘年
事歸去人間首忍回

不與歐陽內翰俱眉山草木謾令枯平生著述猶餘
澤文獻千秋證故都

平郊寥落屋三間病裏厨烟尚耐寒一自賻金成墓
後纍然孤寡與誰看

西園風雨五更深燈火依依照對吟獨把哀章和淚
寫扶山春暮耐傷心

再從叔父溫鄉氏挽

白晢清揚又美髯剗煩利器數人兼老萊却下辭親

淚伯道終無繼後男萬變休殃誰與問半生情眷更
無瞻公病一似先君舊風樹餘哀臆倍霑

再從大父進士公挽

吾門慶祿萃公身壽以康寧天降申九十五年昭代
日簪花再發曲江春儀刑永保家庭舊氣味真令末
路淳從此神人俱失倚宗中萬事感前塵

上舍韓公敬琦挽

學翁鄉黨敬公起繼其聲墨妙家傳古黌堂世襲榮
教經憐驥蹶躋壽比麟庚小障新如濕先交詎忘情
秦中翼慈夫人挽

晚翁戒女其辭古送獻棗脩耻翁門舅家家法唐柳
氏夫人爲婦桓少君綦巾縞衣貌如儒井曰力作貧
家良七旬晝哭如早寡乍訣三月從逝忙閨門遺化
去時見嗣婦齧指求遑遑

菑野韓公敬儀挽

八十年間詩禮翁當時志氣誦言中縱然千聖未開
物也着吾人自下工此語分明真眼藏如今誰復繼
門宗先交鄭重仍私眷執紼城南淚不窮

僉使金公相禹挽

紈綺家兒總將帥窮鄉幾箇老昇平邇來十輩登壇

士誰復三年哭墓誠氣壓雷營羆虎隊心隨蘿下布
韋生追惟舊誼今無處同志相看淚滿纓

上舍金公履福挽

躬行平日欲無言重聽何妨養本源朱語在編常及
日禮疑隨筆儼分門恪供王父真成子屢省先邱若
事存澆世夸毗徒聒耳如公古意可能諉

崔公羽漸挽

悅老痴翁舊法門蘿窓儒雅夏淵源三世仁聲培植
厚篤生賢似典刑存

淳然風骨嶷然心我有操持人莫禁末路澆漓流不

反捨公何處夏開襟

德門枝葉盛彬彬玉樹芝蘭滿列春特立同堂爲領

袖永扶宗事繼前塵

五郎迭侍色怡怡志業文華掇俊姿北墅春風盈一

洞閒愁不掛乃翁眉

載酒來余憶去秋短驢駃僕儘風流終筵話舊無相

間縱我狂言亦不愁

六旬固匪仁人壽終養胡違孝子誠此世從無圓滿

理去留寧復忤尤情

舊好深交若曉星衰年不奈愴零丁從今一哭吾公

後送盡知音九地冥

梁生祐鎮挽

馬陵風雪孝兒哀弱冠年光嫩欲摧幾度墳菴披草
見一冬書塾抱經來終期禮樂雍容地且任觀遊汗
漫隈惜也蹉跎今已沒去畱遺恨兩難裁

上舍金公履福改窆挽

温温古氣滿襟懷此世知難再得來悵悵九原終不
作柩經故郭又泉臺

自吾不見今三歲從此長辭又萬年一幅哀章雙眼
淚舊原來哭送新阡

教官金君彥教挽

弱齡已命名秀穎動中京圭璧温良質箕裘孝友誠
舊家固有後一命亦云榮終始皆經見朝評信父兄

金公達成挽

窈窕崧山趾烟雲滿棣園春風於此最和氣一團渾
對我雙青眼連岡兩綠尊殷勤世好意畱與季君論

戚叔金公宗祿挽

先人外黨是公家兩氏家風一體多孝友相承成性
習青氈舊物更無他

淵宏器度我公良天眷名門篤降祥八十年中多少

事一身堪任大家樑

偉風吉氣笑言中款款敷陳聽未窮淵冰一世磨圭
角也有春秋確在宵

清朝恭問乃兄安白首墳荒蕩一團撫背常聯阿季
手伯康身上更無寒

幼時撫頂長知音卧內招延幾話心奢儉兩間臧否
事推言家國每傷今

吾家內外老成親環顧如今有幾人我公適去茲辰
又風樹誰能慰此身

悵悵當年六二會故家媼睦夏誰攀公歸尚有諸郎

在追得遺風庶復還

禹生采五挽

續稿

晨昏拜跪問其親甘旨溫涼子職純天殺天生吾不
識叅差命道是誰因

都門曉日動雙旌孝子車前烈婦行嗟哉知爾閨門
正三載新婚萬世名

馬令游內挽

孟光須共伯鸞栖甲子一周眉尚低井臼當年勤罕
比盞杯晚日慶誰齊蒲輪巷裏鏘鳴瑟花誥封中儼
仕梯寄語滿城爲婦者忍窮無憫守寒閨

初庵先生全集卷之二

